



## Møteprotokoll

---

<b>Utval:</b>	Partssamansett utval Nye Øygarden kommune
<b>Stad:</b>	Skjenet 2, møterom i andre etasje
<b>Dato:</b>	10.01.2018
<b>Tid:</b>	09:00 – 09:45

---

### Medlemer som møtte:

Kari-Anne Landro	Leder	H
Marianne Sandahl Bjorøy	Nestleder	AP
Børge Haugetun	Nestleder	
Tom Georg Indrevik	Medlem	H
Anita Garlid Johannessen	Medlem	FRP
Silvia Haugland	Medlem	
Nils Kåre Skoge	Medlem	H
Jogeir Sognnæs	Medlem	AP
Nina Zandstra	Medlem	
Bodil Aleksandersen	Medlem	
Cathrine Olsen	Medlem	
Hildegunn Høyland	Medlem	
Vibecke Hodnekvam	Medlem	
Solveig D Rong	Medlem	

---

### Forfall:

Espen Harkestad	MEDL	AP
-----------------	------	----

---

### Varamedlemer som møtte:

Solveig Grepperud	for Espen Harkestad	AP
-------------------	---------------------	----

---

### Andre:

Hovudtillitsvald med møte- og talerett Lars Sverre Hausnes, prosjektleiar Paul J. Manger, personalsjef Lisbeth Grosvold, møtesekretær Unni Rygg.

---

Kari-Anne Landro  
underskrifter

# SAKSLISTE

Saksnr	Innhald
PS 1/18	Godkjenning av innkalling, saksliste og protokoll
PS 2/18	Referatsaker og orienteringar
RS 1/18	Fellesnemnda 11.12.17, Møtebok PS 47/17 - Milepelsplan for prosjekt Nye Øygarden kommune - oppdatering til møte i Fellesnemnda 11. desember 2017
PS 3/18	Oppnemning av arbeidsgrupper innan området arbeidsgjevpolitikkk

## PS 1/18 Godkjenning av innkalling, saksliste og protokoll

### Handsama i Partssamansett utval Nye Øygarden kommune - 10.01.2018:

Møtet starta med eit medlem i forfall, men Jogeir Sognnæs (AP) kom til møtet fem minutt etter møtestart og utvalet var då fulltalig.

Innkalling og saksliste vart godkjente utan merknader.

Protokollen frå førre møte, 21.11.17, vart godkjent med følgjande merknad:

Hildegunn Høyland, Fagforbundet, bad om meir informasjon rundt milepelsplanen punkt 18 og punkt 24, men ho viste til versjon av milepelsplanen lagt fram i fellesnemnda sitt møte 30.oktober der punkta viste til anna innhald enn referert i protokollen. Det rette skal såleis vere at **«Høyland ynskte meir informasjon om prosessane rundt milepelsplanen punkt 18 «Avklare framtidig pensjonskasseordning med sikte på samordning Jfr tidlegare kartlegging i regi av førebuande fellesnemnd. Arbeidsgruppe m/tillitsvalde» og punkt 24 «Utvikle administrativ organisasjonsmodell. Inkl lokalisering av arbeidsplassar og –funksjonar, også dei kommunale NAV-tenestene. Jfr s.7 i Intensjonsavtalen. Administrativ arbeidsgruppe koordinert med administrativ gruppe for omstillingsavtale».**

Protokollen frå førre møte i partssamansett utval vil ikkje bli retta opp, men godkjent her med denne kommentaren.

Det var elles ingen spørsmål frå medlemmer i utvalet.

## PS 2/18 Referatsaker og orienteringar

### Orienteringar

Det er ingen orienteringar til møtet.

### Referatsaker

- RS 1/18 Fellesnemnda 11.12.17, Møtebok PS 47/17 - Milepelsplan for prosjekt Nye Øygarden kommune - oppdatering til møte i Fellesnemnda 11. desember 2017

**Handsama i Partssamansett utval Nye Øygarden kommune - 10.01.2018:**

**Vedtak i Partssamansett utval Nye Øygarden kommune - 10.01.2018:**

Saka vert teken til orientering.

## **RS 1/18 Fellesnemnda 11.12.17, Møtebok PS 47/17 - Milepelsplan for prosjekt Nye Øygarden kommune - oppdatering til møte i Fellesnemnda 11.desember 2017**

**Handsama i Partssamansett utval Nye Øygarden kommune - 10.01.2018:**

Hildegunn Høyland, Fagforbundet, viste til milepelsplanen punkt 23 «*Utvikle administrativ organisasjonsmodell. Inkl lokalisering av arbeidsplassar og –funksjonar, også dei kommunale NAV-tenestene. Jfr s.7 i Intensjonsavtalen. Administrativ arbeidsgruppe koordinert med administrativ gruppe for omstillingsavtale*», og bad prosjektleiar om å utdjupe kva som meinast med administrativ arbeidsgruppe og om tillitsvalde også er ein del av den. Prosjektleiar Paul J. Manger viste til at omgrepet administrativ arbeidsgruppe kan vere noko uklart, men det er tanken at tillitsvalte også skal vere inkludert her og det skal kome tydelegare fram i neste versjon av milepelsplanen.

Referatsaka vart deretter teken til orientering.

**Vedtak i Partssamansett utval Nye Øygarden kommune - 10.01.2018:**

Referatsaka vert teken til orientering.

## **PS 3/18 Oppnemning av arbeidsgrupper innan området arbeidsgjevpolitikkk**

**Innstilling:**

1. Partssamansett utval oppnemner følgjande tre arbeidsgrupper innan området arbeidsgjevpolitikkk, med arbeidsgruppestruktur som vist til i saka:
  - arbeidsgruppe for reglement og lønspolitikkk
  - arbeidsgruppe for partssamarbeid
  - arbeidsgruppe for kompetanse og utvikling
2. Partssamansett utval ber om at hovudsamanslutningane peiker ut sine representantar til dei tre arbeidsgruppene innan utgangen av januar. Prosjektleiar peikar ut representantane frå arbeidsgjevarsida saman med rådmennene i kommunane Fjell, Sund og Øygarden.
3. Partssamansett utval godkjenner mandat og framdriftsplan for arbeidsgruppe for reglement og lønspolitikkk.

## **Handsama i Partssamansett utval Nye Øygarden kommune - 10.01.2018:**

Utvalet diskuterte oppnemninga av arbeidsgruppa for reglement og lønspolitikk med særleg fokus på samansetjinga då det i saksframlegget er lagt opp til tre representantar frå hovudsamanslutningane (ein frå kvar kommune) og tre frå arbeidsgjevar. Ei slik samansetjing vart problematisert av representantar frå dei tillitsvalde som peika på at det er fire ulike hovudsamanslutningar, ikkje tre. Andre i utvalet poengterte at det i saka er lagt opp til eit prinsipp om ein representant frå kvar kommune, frå både arbeidstakersida og arbeidsgjevarsida, noko som sikrar likskapsprinsippet i arbeidet med kommunesamanslåinga. Personalsjef Lisbeth Grosvold stadfesta at tanken bak samansetjinga av arbeidsgruppene var å sikre lik representasjon frå dei tre kommunane.

Møtet vart heva.

Framlegg til nytt punkt 1, kulepunkt 1) om ny samansetjing av arbeidsgruppa for reglement og lønspolitikk, frå Vibecke Hodnekvam, Utdanningsforbundet:

Arbeidstakarorganisasjonane ynskjer å fremje forslag om ein frå kvar hovudsamanslutning, med minst ein frå kvar kommune, til arbeidsgruppa for reglement og lønspolitikk.

Det vart stemt over **punkt 1, kulepunkt 1)**. Framlegget om ny samansetjing av arbeidsgruppa for reglement og lønspolitikk fekk 6 røyster (mindretallet: tillitsvalde) og fall. Innstillinga punkt 1, kulepunkt 1) vart såleis vedteken utan endringar med 9 stemmer.

Resten av innstillinga vart samrøystes vedteken.

## **Vedtak i Partssamansett utval Nye Øygarden kommune - 10.01.2018:**

1. Partssamansett utval oppnemner følgjande tre arbeidsgrupper innan området arbeidsgjevarpolitikk, med arbeidsgruppestruktur som vist til i saka:
  - arbeidsgruppe for reglement og lønspolitikk
  - arbeidsgruppe for partssamarbeid
  - arbeidsgruppe for kompetanse og utvikling
2. Partssamansett utval ber om at hovudsamanslutningane peiker ut sine representantar til dei tre arbeidsgruppene innan utgangen av januar. Prosjektleiari peikar ut representantane frå arbeidsgjevarsida saman med rådmennene i kommunane Fjell, Sund og Øygarden.
3. Partssamansett utval godkjenner mandat og framdriftsplan for arbeidsgruppe for reglement og lønspolitikk.